

生空最初心識是初識空所生之處是生處

生而於彼處不失業果大王最後生識於彼

即滅後不斷心識心順行隨在何處所受業

報即往受故余時世尊而說偈言

善逝後說時所有諸言語皆是假名說

劫有同假名想住故離於言語法而無有可說

隨所有言說而說彼諸法

法眼見無色所言見色者

說世法爲實無而和合見

是名方便地若爲真實說

此是最秘密眼則不見色

世間我慢說是如來所說

說此法門時頻婆娑羅王及諸大衆人天龍

神乾闥婆等聞佛所說皆大歡喜信受奉行

轉有經

大宋國嘉善府華亭縣白砂鄉十九保鶴溪塘水西居住奉  
佛弟子康德慈同妻沈氏四娘發心施財致貲文會恭入 碩望等刊造

轉有經一卷功德追悼七十五郎士婆葉氏十四娘子先考康細八郎  
先妣陸氏十九娘子亡丈人沈大六郎士夫母翁氏三十九娘子衆竟超昇  
佛土仍冀陰力匡扶家口安康求大吉祥者 艱難張可達

嘉慶三年八月 日暮錄僧

劫有同幹難張可達

題

## 佛說文殊師利巡行經

元魏三歲法師菩提留支譯

如是我聞一時婆伽婆住王舍城耆闍崛山中與大比丘衆五百人俱余時世尊於日晡時從自房出在外寬處大衆圍連恭敬供養而爲說法

余時文殊師利童子於彼一切五百比丘行住之處次第巡行遂到長老舍利弗所見長老舍利弗獨在一處端身而坐入禪思惟余時文殊師利童子既見長老舍利弗已而語之言大德舍利弗汝入禪耶長老舍利弗言如是文殊師利

劫有同如是文殊師利

目

文殊師利言大德舍利弗爲未寂靜欲令寂靜汝入禪耶爲先寂靜何所寂靜汝入禪耶大德舍利弗汝依何禪爲依過去爲依未來爲依現在爲依內外汝入禪耶又舍利弗爲依身禪爲依心禪長者舍利弗言文殊師利我此禪義諸有一切見法樂行諸有一切心

不散亂如是正念

文殊師利言大德舍利弗汝得彼法耶彼法  
是何法爲見法樂行不見法樂行長老舍利  
弗言文殊師利不得彼法爲有何者法若見  
法樂行不見法樂行復次文殊師利如來爲  
彼聲聞之人說離欲法我依彼法如是入禪

文殊師利言大德舍利弗何者離欲法如來  
爲彼聲聞人說大德舍利弗依而行耶長老  
舍利弗言文殊師利比丘如是依過去行依  
未來行依現在行乃至依心行如是等應知  
文殊師利如來爲彼聲聞之人說此離欲法  
我隨彼法依彼法行

可得現在真如不可得乃至心真如不可得  
如是等應知復次大德舍利弗更無有法在  
真如外而可顯說長老舍利弗言文殊師利  
諸佛如來住真如已然後說法

文殊師利言大德舍利弗真如非有云何如  
來住真如已而當說法大德舍利弗彼法亦

文殊師利言大德舍利弗若如是說依過去  
行依未來行依現在行乃至依心離欲而行  
如是等者大德舍利弗若彼諸法過去如來  
無未來如來無現在如來無此法如是無大  
德舍利弗今者云何作如是說依過去行依  
未來行依現在行以無法故則亦無依復次

無云何如來住真如已而當說法如來亦無  
何變如來住真如已而當說法一切諸法皆  
不可得諸佛如來亦不可得又此可得不可  
得法如是二種皆不可得如來非說亦非不  
說何以故大德舍利弗如來無說不可說言  
此是如來

長老舍利弗言文殊師利當有何人受如是法文殊師利言大德舍利弗若人不取有爲法界不希涅槃如是之人能受此法若人不得過去之法不知彼法不得未來現在之法不知彼法如是之人能受此法若不見染若不見淨若無心取如是之人能受此法若非我行非無我行非取捨行如是之人能受此法如是之人則能知此所說之義

長老舍利弗言文殊師利爲何所知文殊師利言大德舍利弗此無所說亦無所問爲何所知長老舍利弗言文殊師利說法太深信此法人甚爲少耳文殊師利阿羅漢人學無學人尚非境界何況一切愚癡凡夫文殊師利言大德舍利弗如是如是阿羅漢人亦非境界何以故阿羅漢者無諸境界阿羅漢者無住無處名阿羅漢不可得說名阿羅漢以無說故名阿羅漢何以故無爲無住名阿羅漢彼阿羅漢何處境界阿羅漢者非名非色

愚癡凡夫分別名色阿羅漢者於彼名色分別知名阿羅漢阿羅漢者非名分別非色分別愚癡凡夫亦不可得凡夫之法亦不可得阿羅漢者亦不可得阿羅漢法亦不可得若不可得則不分別若不分別則無所行若無所行則無戲論若無戲論是則寂靜如是無行亦無戲論寂靜之人則不取有亦不取無非有非無如是不取若不取者則無所得如是之人離一切得無心離心住聲聞法如是應知

余時文殊師利童子說此法已時彼五百諸比丘衆從坐而起捨離而去作如是言我不用見文殊師利童子之身我不用聞文殊師利童子名字隨何方處若有文殊師利童子住彼處者亦應捨離何以故如是文殊師利童子異我梵行是故應捨

余時長老舍利弗語文殊師利童子言文殊師利說此法義意豈不欲令諸衆生知法義

乎文殊師利言如是如是大德舍利弗長老舍利弗言云何令此五百比丘從坐而起毀訾戲論誹謗而去文殊師利言大德舍利弗若此諸比丘如是說言我不用見文殊師利童子之身我不用聞文殊師利童子名家隨何方處若有文殊師利童子住彼處者亦應捨離如是說者善哉善哉大德舍利弗此諸比丘善說此語何以故以無文殊師利童子故不可得如其是無不可得者則不可見亦不可聞隨何方處若有文殊師利童子住彼處者亦應捨離如是說者如是文殊師利童子住處亦無彼若無者則不可近亦不可捨爾時文殊師利童子既說此法五百比丘聞已廻面既廻面已復向文殊師利童子說如是言文殊師利說如是法非我所能解文殊師利言善哉善哉汝諸比丘如來弟子聲聞之人應如是學諸比丘如是法者非識所知非智所知何以故法界法尔故法界如

持真同

六

卷

是無念無退如其彼法無念無退非識所知非智所知諸非識知非智所知則非所念汝諸比丘如來弟子聲聞之人應如是學若如是學佛說彼人得最勝法是世福田應受供養說此法時彼諸比丘五百人中四百比丘不受諸法盡諸結漏心得解脫一百比丘起於惡心自身將墮大地獄中

爾時長老舍利弗語文殊師利童子言文殊師利仁者說法非護衆生而失如是一百比丘爾時世尊告長老舍利弗言汝舍利弗莫如是說何以故舍利弗此一百比丘墮大喚叫地獄受一觸已生兜率陀天同業之處以其得聞如是法故舍利弗此諸比丘若不得聞如是法門定墮地獄一劫盡已乃生人中以其得聞此法門故應墮地獄一劫受業得爲少受舍利弗此一百比丘弥勒如來初會之中得作聲聞證阿羅漢得盡諸漏如是舍利弗聞此法門所得福勝非修四禪非四無量非四

無色三摩跋提何以故若不得聞此法門者則於生死不可得脫我說彼人生老病死悲苦憂愁號哭懊惱不可得脫

余時長老舍利弗語文殊師利童子言甚爲希有文殊師利乃能善說如是法門成就衆生文殊師利言大德舍利弗真如不減真如文殊同

<sup>七</sup><sup>文</sup>

不增法界不減法界不增諸衆生界不減不增何以故彼唯言語無人可依無處可依非依不依大德舍利弗如是不依即是菩提如是菩提即是解脫若依法者是則分別若知非作亦非非作即是涅槃

余時世尊告長老舍利弗言如是如是舍利

弗如文殊師利童子所說真如不減真如不增法界不減法界不增諸衆生界不減不增

不染不淨余時世尊爲顯此義偈重說言說過去未來現在世諸法言說非是義

此非相無相若相若無相皆無所分別隨分別故得分別故無相若分別有爲

則分別涅槃彼二皆魔業黠慧如是知陰入界唯名不生滅無相若觀察分別彼則不觀察黠慧不分別行境界如空若分別則取不分別不取分別取則縛不分別則脫若知如是法被人名智者如是人得盡名不分別智有智故說智智說二皆空若人如是知彼人名智者寶滿三千界布施所得福若人聞此法其福過於彼億劫常修行布施持戒忍神通無鄣礙正遍知所說得聞此經已一切得如來如來既說此法門已十千衆生遠塵離垢於諸法中得法眼淨五百比丘發阿耨多羅三藐三菩提心

余時世尊即授五百比丘佛記作如是言汝諸比丘於星喻劫皆當得成阿耨多羅三藐三菩提盡同一号名曰法華如來正遍知世尊說已文殊師利童子長老舍利弗天人阿

<sup>文</sup><sup>秀</sup>

脩羅乾闥婆等聞佛說已歡喜奉行  
文殊師利巡行經

華亭縣超果寺比丘 楚文

發心回施長財參贊文金恭入 平江府磧砂延聖院刊造

佛說文殊師利巡行經一卷 功德專用追悼

先考褚七三承事 先妣何氏九娘子 先兄褚六三郎

圓寂師相勸知客覺鑒衆惠超昇

佛城受勝快樂者

嘉熙三年八月 日暮緣僧

志圓等 頌

### 文殊尸利行經

隋天竺三藏法師豆那掘多譯

我豆那掘多歸命大智海毗盧遮那如來

如是我聞一時婆伽婆住王舍城祇闍崛山中與大比丘衆五百人俱皆是大阿羅漢諸漏已盡無復煩惱三明六通具八解脫慧心

無礙具足清淨如是等五百比丘各於自房結跏趺坐身心寂靖三昧正受余時文殊尸利童真菩薩爲欲發起自身行法令衆聞知獲大利故最於先起一一次第遍觀諸房即見尊者舍利弗獨處一房折伏其身結跏趺坐入於三昧余時文殊尸利童真菩薩見如

是已亦不發覺更詣諸處觀察餘房如是展轉乃至晨朝日初出時當於是時舍利弗等五百比丘皆已出定是諸比丘及餘比丘諸方來者一切大衆皆悉雲集余時世尊即於此時從坐而起平身正直從容徐步安庠而行如師子王出於自房敷坐一切大衆左右

圍遶敬念世尊不敢當前余時世尊處大衆中爲無上首光顏巍巍猶若金山乘大悲雲雨諸法雨

余時文殊童真菩薩於大衆中即問尊者舍利弗作如是言我於向者遍觀諸房我時見汝獨處一房結跏趺坐折伏其身汝時爲當

女

精有同

坐禪耶不耶尊者舍利弗即答文殊尸利菩薩言我於是時實坐禪耳余時文殊菩薩即復問於舍利弗言汝意云何爲當欲令有未斷者爲除故坐禪耶欲令有已斷者更除斷故坐禪耶爲依過現未來三世法故坐禪耶爲休色想受行識等五陰法故坐禪耶爲依